



Халқ сўзи

Ўзбекистон –
келажаги
буюк
давлат

2025 йил — АТРОФ-МУҲИТНИ АСРАШ ВА «ЯШИЛ» ИҚТИСОДИЁТ ЙИЛИ

1991 йил 1 январдан чиқа бошлаган

WWW.XS.UZ

E-mail: Info@xs.uz

2025 йил 1 сентябрь, № 180 (9075)

Душанба

Сайтимизга ўтиш учун QR-кодни
телефонингиз орқали сканер қилинг.



ТЯНЬЦЗИНЬ ШАҲРИДА ШАНХАЙ ҲАМКОРЛИК ТАШКИЛОТИ ТАДБИРЛАРИ БОШЛАНДИ



**31 август куни Ўзбекистон Республикаси
Президенти Шавкат Мирзиёев
рафиқаси билан бирга Тяньцзинь
шаҳридаги «Мэйцзян» конгресс
марказида Шанхай ҳамкорлик
ташкilotи саммитининг норасмий
тадбирларида иштирок этди.**

Тадбирларда Хитой Халқ Республикаси Раиси Си Цзиньпин, Россия Федерацияси Президенти Владимир Путин, Беларусь Республикаси Президенти Александр Лукашенко, Ҳиндистон Республикаси Бош вазири Нарендра Моди, Покистон Ислом Республикаси Бош вазири Шаҳбоз Шариф, Эрон Ислом Республикаси Президенти Масъуд Пезешкиён, Қозоғистон Республикаси Президенти Қосим-Жомарт Тоқаев, Қирғиз Республикаси Президенти Садир Жапаров, Тожикистон Республикаси Президенти Эмомали Раҳмон, Туркия Республикаси Президенти Режеп Таййип Эрдоган, Туркменистон Президенти

Сердар Бердимухамедов, Озарбайжон Республикаси Президенти Илҳом Алиев, Мўғулистон Президенти Ухнаагийн Хурэлсух, Миср, Камбоджа, Непал, Арманистон ҳукуматлари раҳбарлари ҳамда Бирлашган Миллатлар Ташкилоти Бош қотиби Антониу Гутерриш ҳам қатнашди. Давлатимиз раҳбари ва рафиқасини Хитой Раиси Си Цзиньпин ва рафиқаси самимий қутиб олди. Шундан сўнг хорижий етакчиларга Шанхай ҳамкорлик ташкилотининг Тяньцзинь саммитига бағишланган концерт дастури намойиш этилди.

Ў.А.

Ўзбекистон Республикаси Президенти
Матбуот хизмати сурати.

САМИМИЙ ҚУТЛОВЛАР

Мамлакатимиз мустақиллигининг 34 йиллиги муносабати билан Ўзбекистон Республикаси Президенти Шавкат Мирзиёев номига хорижий давлатлар, парламентлар ва ҳукуматлар, етакчи халқаро ва минтақавий ташкилотлар, йирик корпорация ва компаниялар раҳбарлари, таниқли сиёсатчилар, жамоат ва дин арбобларидан самимий қутловлар келмоқда.

Келиб тушаётган мактубларда Янги Ўзбекистонда амалга оширилаётган кенг қўламли ислохотлар стратегиясининг натижалари, минтақада дўстлик, шериклик ва яхши қўшничилик муҳитини мустаҳкамлаш, дунё мамлакатлари билан ўзаро манфаатли ҳамкорликни кенгайтиришга қаратилган прагматик ва конструктив ташқи сиёсат юқори баҳоланмоқда. Ижтимоий-иқтисодий соҳаларда эришилган ютуқлар, давлат ва жамият ҳаётининг барча жабҳаларидаги муваффақиятлар, Ўзбекистоннинг халқаро майдондаги нуфузи ортиб бораётгани алоҳида қайд этилган.

Кўп миллатли Ўзбекистон халқига тинчлик-осойишталик, фаровонлик ва раванқ тилаклари изҳор этилган.



ЎЗБЕКИСТОН
РЕСПУБЛИКАСИ
ПРЕЗИДЕНТИ
ШАВКАТ МИРЗИЁЕВ
ЖАНОБИ ОЛИЙЛАРИГА

Ҳурматли Шавкат Миронович!

Мамлакатингизнинг миллий байрами — Мустақиллик куни муносабати билан самимий табрикларимни қабул қилгайсиз.

Ўзбекистон ижтимоий ва иқтисодий соҳаларда улкан муваффақиятларга эришди, жаҳон майдонидаги нуфузи тобора ортиб бормоқда, минтақавий ва халқаро кун тартибидagi кўплаб муҳим масалаларни ҳал этишга амалий ҳисса қўшмоқда.

Давлатларимиз ўртасидаги муносабатлар стратегик шериклик ва иттифоқчилик руҳида жадал ривожланмоқда. МДҲ, ШҲТ ва бошқа кўп томонлама тузилмалар доирасида саъй-ҳаракатларни самарали мувофиқлаштириш йўлга қўйилган.

Ишончим комилки, биз бундан буён ҳам Россия билан Ўзбекистон ўртасидаги ўзаро манфаатли алоқаларни барча йўналишларда ҳар томонлама ривожлантираемиз. Бу дўст халқларимиз манфаатларига, Марказий Осиёда хавфсизлик ва барқарорликни мустаҳкамлаш мақсадларига тўла мос келади.

Сизга, муҳтарам Шавкат Миронович, мустаҳкам соғлиқ ва муваффақиятлар, барча юртдошларингизга фаровонлик ва раванқ тилайман. Ҳурмат билан,

Владимир ПУТИН,
Россия Федерацияси Президенти



ЎЗБЕКИСТОН
РЕСПУБЛИКАСИ
ПРЕЗИДЕНТИ
ШАВКАТ МИРЗИЁЕВ
ЖАНОБИ ОЛИЙЛАРИГА

Ҳурматли Президент жаноблари!

Ўзбекистон Республикаси мустақиллигининг 34 йиллиги муносабати билан Сизга ва дўст Ўзбекистон халқига самимий табрикларим ва энг эзгу тилакларимни изҳор этишга ижозат бергайсиз.

Сизнинг раҳбарлигингизда Ўзбекистон иқтисодиёти жадал ривожланмоқда, халқнинг турмуш даражаси юксалмоқда, мамлакат дадил қадамлар билан стратегик мақсад — Янги Ўзбекистонни барпо этиш сари бормоқда. Бу дўст ва қўшни, ҳар қандай шароитда стратегик шерик сифатида Хитойни беҳад қувонтиради.

Жорий йил июнь ойида Остонада бўлиб ўтган учрашувимизда икки мамлакатнинг ҳар томонлама ҳамкорлиги бўйича муҳим келишувларга эришилди. Хитой ва Ўзбекистон ўртасидаги икки томонлама муносабатларни янада ривожлантириш бўйича янги режа тузилди. Сиз билан сиёсий ўзаро ишончни узлуксиз чуқурлаштириш, бир-биримизни қатъий қўллаб-қувватлаш, ривожланиш стратегияларининг ўзаро боғлиқлигини мустаҳкамлаш, “Бир макон, бир йўл”ни биргаликда сифатли барпо этиш бўйича саъй-ҳаракатларни амалга оширишга тайёрман.

Ўзбекистон Республикасига куч-қудрат ва раванқ, унинг халқига бахт-саодат ва фаровонлик тилайман.

Си ЦЗИНЬПИН,
Хитой Халқ Республикаси Раиси



ЎЗБЕКИСТОН
РЕСПУБЛИКАСИ
ПРЕЗИДЕНТИ
ШАВКАТ МИРЗИЁЕВ
ЖАНОБИ ОЛИЙЛАРИГА

Ҳурматли Президент жаноблари!

Америка Қўшма Штатлари халқи номидан Сизга ва Ўзбекистон халқига мамлакатингиз мустақиллигининг 34 йиллиги муносабати билан энг эзгу тилакларимизни йўллайман. Бу унинг тарихи ва бой маданиятини эслаш учун қувончли сабабдир.

Ўзбекистон мустақилликка эришганидан буён мамлакатларимиз ўртасидаги жадал стратегик шерикликка ҳисса қўшадиган муҳим ислохотларни давом эттирмоқда. Биз умумий манфаатларимизни илгари суриш, жумладан, чегараларимизни мустаҳкамлаш, икки томонлама савдо ва инвестицияларни кўпайтириш, диний эркинлик ва минтақавий барқарорликни таъминлаш йўлида биргаликда салмоқли ишларни амалга оширдик.

Қўшма Штатлар мавжуд алоқаларни мустаҳкамлаш ва ўзаро манфаатли ҳамкорликнинг янги имкониятларини очишга умид қилмоқда. Сизга ва фуқароларингизга Мустақиллик байрами муносабати билан бахт-саодат ва энг эзгу тилакларимни билдираман.

Ҳурмат билан,

Дональд ТРАМП,
Америка Қўшма Штатлари Президенти

(Давоми 2 ва 3-бетларда) >>>

МУСТАҚИЛЛИК БЕРГАН ҲУҚУҚ ВА ИМКОНИЯТЛАР

ХАЛҚИМИЗНИНГ ФАРОВОН ҲАЁТИ, ОРЗУ-УМИДЛАРИ РЎЎБИНИНГ АСОСИЙ МАНБАИ

Мамлакатимизда мустақиллигимизнинг ўттиз тўрт йиллик шонли санаси гоят кўтаринки руҳда нишонланмоқда. Пойтахтимиздаги “Янги Ўзбекистон” боғида ўтказилган шодиёна ва унда Президентимиз иштирок этиб, халқимизни қутлаши унинг шуқуҳини янада оширди.

Давлатимиз раҳбари табригида таъкидлаганидек, Янги Ўзбекистон гоёси асосида бошланган улкан ислохотлар

туфайли мустақиллик берган ҳуқуқ ва эркинликларни ҳар бир юртдошимиз ўз ҳаётида чуқур ҳис қилиб, бу имкониятлардан кенг фойдаланмоқда.

Ҳаётнинг барча жабҳаларида беқиёс ютуқлар қўлга киритилляпти. Уларда фаол қатнашаётган ҳамюртларимиз эртанги кунга юксак ишонч билан яшамоқда.

4-саҳифага қаранг. ➡



САМИМИЙ ҚУТЛОВЛАР

(Давоми. Бошланиш 1 ва 2-бетларда).



**ЎЗБЕКИСТОН
РЕСПУБЛИКАСИ
ПРЕЗИДЕНТИ
ШАВКАТ МИРЗИЁЕВ
ЖАНОБИ ОЛИЙЛАРИГА**

Хурматли Президент жаноблари!
Европа Иттифоқи номидан Сизга ва Ўзбекистон халқи-га Ўзбекистон Республикасининг Мустақиллик куни муносабати билан энг самимий табрикларимни йўлламоқчиман.
Бу сана нафақат мамлакатингиз суверенитети байрами, балки халқингиз матонати ва интилишларидан далолатдир. У Ўзбекистон эришган сиёсий, иқтисодий ва ижтимоий тараққиётни, шунингдек, Европа Иттифоқи ва мамлакатингиз ўртасида ўрнатилган мустаҳкам дўстона алоқаларни эътироф этиш имконини беради.
Бизнинг шериклигимиз, шубҳасиз, янги босқичга кўтарилди, барча соҳаларда, шу жумладан, Сизнинг етакчилигингиз остида сермахсул ва кўп қиррали ҳамкорлик билан ажралиб туради. Жорий йил апрель ойида Самарқандда “Европа Иттифоқи — Марказий Осиё” биринчи саммити доирасида бўлиб ўтган учрашувимиз, шунингдек, Ўзбек халқининг меҳмондўстлигини ҳис этиш бахтига муяссар бўлганим ҳақида ажойиб хотиралар сақланиб қолган.
Сиз билан 2025 йил 24 октябрь куни Брюсселда бўлиб ўтадиган учрашувни интиқлик билан кутаман, у ерда Европа Иттифоқи ва Ўзбекистон ўртасида Кенгайтирилган шериклик ва ҳамкорлик тўғрисидаги битимнинг имзола-ниши муносабати билан фикр алмашишни давом этти-риш имконига эга бўламиз.
Фурсатдан фойдаланиб, Сизга, Жаноби Олийлари, яна бир бор юксак эътиромимни изҳор этишга ижозат бер-гайсиз.
Самимият ила,

**Антониу КОШТА,
Европа кенгаши Президенти**



**ЎЗБЕКИСТОН
РЕСПУБЛИКАСИ
ПРЕЗИДЕНТИ
ШАВКАТ МИРЗИЁЕВ
ЖАНОБИ ОЛИЙЛАРИГА**

Президент жаноблари!
Ўзбекистон Республикасининг мустақиллик куни

муносабати билан Сизга ва ўзбек халқига самимий табрикларимни йўллайман.
Давлатларимиз ўртасидаги муносабатлар мустаҳкам шериклик хусусиятига эга. Ўтган йили ҳам улар ривожланишда давом этганини таъкидлашдан мамнунман. Германиянинг Марказий Осиё давлатлари билан стратегик минтақавий шериклиги, шунингдек, имзоланган Миграция ва ҳаракатланиш соҳасида ҳамкорлик тўғрисидаги битим икки томонлама ҳамкорлигимизни янада чуқурлаштириш йўлида янги йўналишларни белгилаб берди.
Раҳбарлигингизда амалга оширилаётган ислохотлар сиёсатида Сизга катта муваффақиятлар тилайман ва Германия бундан буён ҳам ишончли ҳамкор сифатида Сизни қўллаб-қувватлашни ишонтириб айтаман. Барқарор, фаровон ва демократик Ўзбекистон бутун минтақа учун муҳим аҳамиятга эга.
Президент жаноблари, менинг энг эзгу тилакларимни қабул қилгайсиз, Ўзбекистон халқига эса эркинлик, хавфсизлик ва фаровонликка асосланган тинч келажақ тилайман.
**Франк-Вальтер ШТАЙНМАН,
Германия Федератив Республикаси Президенти**



**ЎЗБЕКИСТОН
РЕСПУБЛИКАСИ
ПРЕЗИДЕНТИ
ШАВКАТ МИРЗИЁЕВ
ЖАНОБИ ОЛИЙЛАРИГА**

Президент жаноблари!
Мустақиллик байрами муносабати билан шахсан ўз номимдан ва Италия Республикаси номидан Сизни самимий муборакбод этишга ижозат бергайсиз.
Мамлакатларимиз ўртасидаги стратегик ҳамкорлиқни кенгайтириш ўзаро манфаатларимизни яқинлаштиришга хизмат қилмоқда. Ишончим комилки, бу жараён турли соҳаларни қамраб олиб, бўлиб ўтган олий даражадаги самарали учрашувларда эришилган натижаларга янги суръат бағишлайди ва қўллаб қўшма лойиҳаларда ўз ифодасини топади.
Тошкент ва Рим ўртасидаги ўзаро манфаатли икки томонлама мулоқот минтақавий ҳамкорлик орқали ҳам янада ривожланимоқда. Бугунги кунда “Италия — Марказий Осиё” формати тинчлик, барқарорлик ва

изчил тараққиётни таъминлаш учун ўзига хос майдон бўлиб хизмат қилмоқда.
Умид қиламанки, мамлакатингизнинг Европа Иттифоқи билан тобора чуқурлашиб бораётган муносабатлари Бирлашган Миллатлар Ташкилоти Низомида мустаҳкамланган тамойилларга содиқлик, халқаро тартиб меъёрлари ва қоидаларига риоя қилиш билан биргаликда ушбу юксак мақсадларга эришишга олиб келади.
Фурсатдан фойдаланиб, Сизга ва дўст Ўзбекистон халқига яна бир бор фаровонлик ва равнақ тилайман.

**Сержо МАТТАРЕЛЛА,
Италия Республикаси Президенти**

Қуйидагилар ҳам ўз табрикларини йўллаган:

Арманистон Республикаси Бош вазири **Никол Пашинян**,
Саудия Арабистони Подшоҳи **Салмон ибн Абдулазиз Ол Сауд**,
Саудия Арабистони Валиаҳди, Бош вазири **Муҳаммад ибн Салмон Ол Сауд**,
Покистон Ислом Республикаси Президенти **Асиф Али Зардари**,
Бирлашган Араб Амирликлари Президенти **Шайх Муҳаммад бин Зоид Ол Наҳаён**,
Бирлашган Араб Амирликлари Вице-президенти, Бош вазири, Дубай амирлиги ҳокими **Шайх Муҳаммад бин Рошид Ол Мактум**,
Бирлашган Араб Амирликлари Вице-президенти, Бош вазири ўринбосари, Президент Администратсияси раҳбари **Шайх Мансур бин Зоид Ол Наҳаён**,
Болгария Республикаси Президенти **Румен Радев**,
Венгрия Президенти **Тамаш Шуйок**,
Венгрия Бош вазири **Виктор Орбан**,
Ирландия Республикаси Президенти **Майкл Хиггинс**,
Сербия Республикаси Президенти **Александр Вучич**,
Словения Республикаси Президенти **Наташа Пирс Мусар**,
Словакия Республикаси Президенти **Петер Пеллегрини**,

ЎЗБЕКИСТОН ПАРЛАМЕНТИ ДЕЛЕГАЦИЯСИ БЕЛАРУСЬ РЕСПУБЛИКАСИГА БОРАДИ

2-3 сентябрь кунлари Олий Мажлис Сенати Раиси бошчилигидаги Ўзбекистон делегациясининг Беларусь Республикасига расмий ташрифи амалга оширилади.

Ташриф

Ташриф чоғида Олий Мажлис Сенати Раиси Танзила Норбоеванинг Беларусь Республикаси Миллий Мажлиси Республика Кенгаши Раиси Наталья Кочанова билан учрашуви ўтказилди.
Шунингдек, Ўзбекистон Республикаси Олий Мажлиси Сенати ва Беларусь Республикаси Миллий Мажлиси Республика Кенгаши ўртасида ҳамкорлик бўйича комиссиянинг илк йиғилиши, маҳаллий вакиллик органлари вакиллари учрашуви ҳамда ёш парламент аъзолари форуми ҳам бўлиб ўтди.
Ташриф доирасида Ўзбекистон — Бела-

русь тadbirkор аёлларининг учинчи бизнес форуми ўтказилди. Форум доирасидаги 7 та мавзу бўйича бўлиб ўтадиган секция йиғилишларида турли соҳаларда ҳамкорлиқни чуқурлаштириш масалалари ва инвестиция лойиҳаларини муҳокама қилиш, таъриба алмашиш ҳамда икки томонлама ҳужжатларни имзолаш назарда тутилган.
Бундан ташқари, Витебск шаҳрида ташкил этиладиган “Made in Uzbekistan” миллий кўرғазмасида озик-овқат, фармацевтика, энгил саноат, туризм, хунармандчилик ва электроника каби соҳаларда фаолият юритаётган 70 дан зиёд тadbirkор аёллар ўз маҳсулотлари ҳамда хизматларини намойиш қилади.

«Халқ сўзи».

Олий Мажлис Қонунчилик палатасида

ЙЎЛ ҲАРАКАТИ ХАВФСИЗЛИГИНИ ТАЪМИНЛАШ БЎЙИЧА ТАВСИЯЛАР БЕРИЛДИ

Олий Мажлис Қонунчилик палатасининг Тадбиркорлик, рақобатни ривожлантириш ва саноат масалалари қўмитаси шаҳарларда жамоат транспортини ривожлантириш, йўл ҳаракатини тўғри ташкил этиш орқали тирбандликлар ва автоҳалокатларни камайтириш масалалари юзасидан ҳудудларда ўтказилган ўрга-нишлар якунларига бағишланган йиғилиш ўтказди.

Урбанизация жараёнининг жадаллашуви, аҳоли сонининг ўсиши натижасида жамоат транспортига бўлган талаб ва эhtiёж йил сайин ошиб бормоқда. Бу эса жамоат транспорти хизмати сифатини яхшилаш, маданиятини юксалтириш, уни бугунги давр ва шароитга мослаштиришни тақозо этмоқда.
Мамлакатимиз шаҳарларида жамоат транспорти тизимини комплекс ривожлантириш, йўловчиларга сифатли ва хавфсиз хизматлар қўрсатиш, транспорт инфраструктурасини, ҳаракат таркибини барча қулайликларга эга бўлган замонавий автобуслар билан тўлдириш, йўл ҳаракати хавфсизлигини таъминлаш ҳамда пiёдаларга қулай ҳаракатланиш муҳитини яратиш борасида қатор чора-тадбирлар амалга оширилмоқда.
Жумладан, йўлларда йўналишли транспорт воситалари учун алоҳида ажратилган тасмаси бор йўлаклар ташкил этилди. Бу, ўз навбатида, жамоат транспорти қатновларининг жадаллашуви, йўловчиларнинг ўз манзилига тезроқ етиб олишини таъминлашга

хизмат қилмоқда. Қолаверса, ҳудудларга жамоат транспорти учун янги ва замонавий автобуслар, метро вагонлари харид қилиниб, фойдаланишга топшири-лаётир.
Йиғилишда Транспорт вазирилик вакиллари иштирокида жамоат транспортини ривожлантириш, автоҳалокатлар ва тирбандликларни камайтириш масалалари муҳокама қилинди. Вазирлик томонидан бу борада амалга оширилаётган ишлар ва келгусидаги истиқболли режалар ҳақида ахборот берилди.
Депутатлар транспорт тизимига оқлама туширадиган қурилиш ишларини амалга ошириш билан боғлиқ ҳолатлар, йўлларда йўналишли транспорт воситалари (автобус) учун алоҳида йўлак ажратиш, транспорт ўтиш боғламларини барпо этиш, тирбандликларни камайтиришга қаратилган замонавий ечимларнинг қамлиги сабаблари билан қизикди. Мутасаддилар кўтарилган саволлар юзасидан атрафлича тушунтириш бериб ўтди.
Йиғилишда Наманган шаҳрида жамоат транспор-тини ривожлантириш ва йўл

ҳаракати хавфсизлигини таъминлаш бўйича амалга оширилаётган ишлар ҳақида ҳам атрафлича маълумот берилди.
Маълум қилинганидек, бугунги кунда шаҳарда кунига 90 мингдан ортиқ йўловчилар 220 та жамоат транспорти орқали ташилмоқда. Жорий йилда 66 донa янги ва замонавий автобус фрутто-контракт тизимида фойдаланиш учун олиб келинди. Кейинги икки йилда шаҳардаги 3 та кўчада автобус йўлаклари ташкил этилди.
Депутатлар ушбу соҳада амалга оширилаётган ишлар билан бирга, туманлардан кириб келаётган йўловчи ташиш транспортларини шаҳар ичидаги автобус йўналишлари билан боғлайдиган янги бош бекатлар, замонавий “смарт бекат”лар, автотураргоҳлар қуриш, йўловчи ташиш фаолияти билан шуғулланувчи субъектларга автобуслар харид қилишда имтиёзлар яратиш лозимлигини таъкидлашди.
Муҳокама давомида депутатлар томонидан шаҳарларда жамоат транспортини ривожлантириш, йўл ҳаракатини тўғри ташкил қилиб, тирбандликлар ва автоҳалокатларни камайтириш бўйича қатор таклиф ва тавсиялар берилди.
Яқунда кун тартибидagi масала юзасидан қўмитанинг тегишли қарори қабул қилинди.

«Халқ сўзи».

Мустақилликнинг 34 йиллигига

ИНСОН ҚАДРИ — ОЛИЙ МЕЗОН

Мустақиллик куни — бу фақатгина тарихий сана эмас, у халқнинг эрки, қадри, салоҳияти ва ўз тақдирига эғалик қилиш ҳуқуқини англатади. Мустақил давлатнинг энг улуғ бойлиги эса инсон ҳуқуқлари, эркинликлари ва кадр-қиммати таъминланган жамиятдир.

Ўзбекистон Республикасининг халқи суверен ва давлат ҳокимия-тининг бирдан-бир соҳиби экани Конституцияда мустаҳкамлаб қўйилган. Унга кўра, Ўзбекистон Республикасининг барча фуқаро-лари миллият, элати, ижтимоий келиб чиқиши ҳамда қайси динга мансублиги ва эътиқодидан қатъи назар, тенг ва бир хил ҳуқуқлар-га эга.

Мустақилликнинг кейинги саккиз йилида ишлаб чиқилган ва қабул қилинган барча қонун ҳужжатларида инсон ҳуқуқлари устуворлиги таъминланди.
Инсон ҳуқуқлари бўйича халқаро стандартларни миллий қонунчиликка имплементация қилиш ва халқаро мажбуриятларни бажариш, шунингдек, инсон ҳуқуқла-ри ҳимояси масалалари юзаси-дан халқаро ташкилотлар билан ҳамкорлиқни фаоллаштиришга доир тизимли ишлар олиб бо-рилди.

Ўзбекистон Республикаси ин-сон ҳуқуқлари бўйича халқаро ҳужжатлар, жумладан, БМТ шарт-



номалари, факультатив протоко-лига қўшилган.
Инсон ҳуқуқлари самарали му-ҳофаза этилишида янги тахрир-даги Конституция муҳим ўрин ту-ди. Чунки унда инсон ҳуқуқлари ҳимояси янада кенгайтирилди, уни таъминлаш механизми ку-чайтирилди. Бу борада давлат-нинг масъулияти оширилди.
Давлат томонидан инсонга нисбатан қўлланиладиган ҳуқуқий таъсир чоралари мутаносиблик принципига асосланиши ва қонунларда назарда тутилган мақсадларга эришиш учун етар-ли бўлиши кераклиги мустаҳкам-ланди. Инсон билан давлат

органларининг ўзаро муносабат-ларида юзага келадиган қонун-чиликдаги барча зиддият ва но-аниқликлар инсон фойдасига талқин этилиши белгилаб қўйилди.
Аввалги Конституцияда инсон ҳуқуқлари учун 23 модда ажратил-ган бўлса, янги тахрирдаги Консти-туцияда бу 34 тага етказилди. Ва олдинлари умуман кўзда тутилмаган, лекин инсон ҳуқуқла-рини таъминлашда муҳим бўлган бир қатор ўзгартиришлар киритилдики, бу Янги Ўзбекистонда инсон қадрининг қай даражада муҳим ва юқори эканлигини яна бир бор исботлаб берди.
Хусусан, ҳеч ким қонунга асос-ланмаган ҳолда ҳибсга ёки қамоққа олиниши, ушлаб турили-ши, қамоқда сақланиши ёхуд унинг озодлиги бошқача тарзда чекланиши мумкин эмас.
Шахсни суднинг қарорисиз 48 соатдан ортиқ ушлаб туриш мумкин эмаслиги, ушлаш чоғида тушунарли тилда унинг ҳуқуқла-ри ва ушлаб туриш сабаблари ту-шунтирилиши шартлиги, айбоси-лик презумпцияси аниқ белги-лангани, айбисизликка оид барча шубҳалар, уларни бартараф этиш имконияти тугаган бўлса, айбла-нувчи, судланувчи ёки маҳкумнинг

фойдасига ҳал қилиниши қайд этилди.
Агар шахснинг ўз айбини тан олгани унга қарши ягона далил бўлса, у айбдор деб топилиши ва жазоланиши мумкин эмас. Озод-ликдан маҳрум этилган шахслар ўзига нисбатан инсоний муома-лада бўлиниши ҳамда инсон шах-сига хос бўлган шаъни ҳамда кадр-қиммати ҳурмат қилиниши ҳуқуқига эга. Шахснинг судланган-лиги ва бундан келиб чиқадиган ҳуқуқий оқибатлар унинг қарин-дошлари ҳуқуқларини чеклаш учун асос бўлиши мумкин эмас.
Асосий Қонуннинг 55-модда-си билан ҳар ким ўз ҳуқуқ ва эркинликларини қонунда тақиқ-ланмаган барча усуллар билан ҳимоя қилишга ҳақли экани мус-таҳкамланди.
Конституция агар давлатнинг ҳуқуқий ҳимояга доир барча ички воситаларидан фойдаланиб бўлинган бўлса, инсоннинг ҳуқуқ ва эркинликларини ҳимоя қилув-чи халқаро органларга мурожаат этиш ҳуқуқини ҳам беради.
**Зумрад БЕКАТОВА,
Олий Мажлис Сенатининг
Суд-ҳуқуқ масалалари ва
коррупцияга қарши курашиш
қўмитаси аъзоси.**

АМАЛГА ОШИРИЛАЁТГАН ИСЛОХОТЛАРДА ХАЛҚ МАНФААТЛАРИ УСТУВОР

Мамлакатимиз мустақиллигининг 34 йиллиги кўтаринки қайфиятда, юксак даражада нишонланди. Орта назар ташлаб, ўтган йилларда юртимизда барча соҳада кенг кўламли ислохотлар амалга оширилганига, муҳим ўзгаришлар аҳоли турмушида ҳаёт акс этганига амин бўлмоқдамиз. Халқимиз заҳматига ижтимоий-ўзгаришлар, турли соҳаларда қўлга киритилаётган ютуқлар замирида эса улкан меҳнат, фидойилик ва оқилона сиёсат мужассам.



Мамлакатимиз мус-тақиллигини мустаҳкам-лаш, унинг фаровон кела-жаги учун замин яратиш, энг аввало, таълим, тиб-биёт, иқтисодиёт, спорт, маданият, ҳуқуқ, мудофаа, ташқи сиёсат каби соҳа-ларда пухта ўйланган ис-лохотларга боғлиқ. Айниқ-са, таълим соҳасини ри-вожлантириш борасида рўёбга чиқарилаётган чора-тадбирлар ва улар-нинг натижалари эртанги кунимиз учун мустаҳкам пойдевор қўйилаётганини тасдиқлайди.
Хусусан, шаҳар ва қиш-лоқларда янги замонавий мактабга таълим ташки-

миллат келажагини яхши-лашга қаратилган. Эъти-роф этиш жоизки, таълим соҳасига юксак эътибор юртимиз ёшларининг илмга бўлган интилишларини янада рағбат-лантирмоқда. Натижада улар халқаро фан олим-пиадларида юқори нати-жаларга эришиб, дунё-нинг топ университетла-рини забт этмоқда.
Албатта, бу ютуқлар за-мирида улкан меҳнат, кат-та молиявий ресурслар ту-рибди. Лекин асл сабаб — мазкур соҳа ривожига кўрсатилаётган эътиборда. Миллий статистика қўмита-си берган маълумотга кўра, биргина шу йилнинг январь — июнь ойларида мамлакатимизда 68 та мак-таб ишга туширилган.
Энг фойдали инвести-ция таълимга йўналтирил-ган инвестиция деганлари-дек, билим масканларининг қурилиши, жиҳозлани-ши ва таълим учун сарф-ланаётган маблағлар юрт

келажаги учун тикилган му-ҳим сармоядир.
Ўзбекистонни дунёга та-нитаётган яна бир соҳа бу ҳеч муболағасиз — спорт. Мамлакатимизда спорт со-ҳасида амалга оширилаёт-ган ислохотлар самараси-ни эса барчамиз кўриб, ҳис этиб турибмиз. Ва табиий-ки, натижалардан қувончи-миз бисёр.
Айниқса, Олимпия ва па-ралимпийчиларимиз қўлга киритган медаллар юртимиз доврuginи таратиш бароба-рида соғлом турмуш тарзи-ни тарғиб этиш ва спорт би-лан мунтазам шуғулланувчи-лар сафининг кенгайишига сабаб бўлди. Футбол бўйи-ча мамлакатимиз миллий терма жамоасини мундиал-да кўриш орзусининг ушал-гани эса барчамизга бирдек қувонч улашди. Дунё эъти-борини яна бир Ўзбекистон деган давлатга қаратди.
Шаҳару қишлоқларимиз-ни яшил маконга айланти-риш, ёшларимизни олий таълим билан қамраб

олиш, аҳолининг бандлиги-ни таъминлаш, коммунал хизмат кўрсатиш соҳалари-да профессионал сервис-ни жорий этиш, қонунчи-лик соҳасида маҳаллий Кенгашлар ваколатини кен-гайтириш, давлат ҳокимия-ти ва бошқаруви идорала-рида қонун талабларига риоя қилиниши борасида жамоатчилик назоратини қучайтириш каби ҳаракат-лар ҳам ислохотларда халқ манфаатлари устуворлиги бош мақсад этиб белги-ланганидан далолат.
Жонажон юртимизда рўй бераётган бу ўзгариш-лардан фарх туясан, киши. Шунинг баробарида, шу юрт фарзанди, ислохотлар иштирокчиси сифатида ҳар биримиз Ватан равнақи, халқ фаровонлиги учун ўз ҳиссамизни қўшишга бурч-ли эканимизни ҳам унут-маслигимиз даркор.
**Азамат ПАРДАЕВ,
Олий Мажлис Қонунчилик
палатаси депутати.**

МУСТАҚИЛЛИК БЕРГАН ҲУҚУҚ ВА ИМКОНИЯТЛАР

ХАЛҚИМИЗНИНГ ФАРОВОН ҲАЁТИ, ОРЗУ-УМИДЛАРИ РЎЁБИНИНГ АСОСИЙ МАНБАИ



Бағдодни Боғи эрамга айлантирамиз

Обидахон РАҲИМОВА,
Бағдод туманидаги «Боғи эрам Бағдод» фермер
хўжалиги раҳбари:

— Мустақиллик ўзимизни,
иктидор ва қобилиятимизни
намоён этиш имконини
берди. Бу ҳам фахр, ҳам
шижоат бағишлайди.

Хар тоғ отамдан қолган
далаларга йўл олам. Бағ-
доднинг 50 гектар лалми
ерида пахта ва галла етиш-
тирамир. Бу йил тажриба
тарқасида 6 гектар май-
донда Хитой пахта навини
парваришладик. Хар гектар
ердан камида 50 центнер-
дан ҳосил олишни мақсад
қилганмиз. Қишлоқ хўжали-
ги йўналишида олий таълим
муассасаларини тугатган
фарзандларим — Жасурбек
ва Жамшидбек ҳам қано-
тимга кирган. Уларнинг та-
всияси билан яқин йилларда
тўлиқ шу пахта навини
экишни режалаштиряпмиз.

Дехқончиликда барака
бор. Фақат пахта, галладан
келадиган даромадга қараб
қолганимиз йўқ. Асарчилик,
чорвачилик хўжалиғи-
мизнинг яна бир сердаро-
мад тармоқлари ҳисоблана-
ди. Рўзгор учун зарур бўла-
диган барча мева-сабзавот-
ни тўлиқ ўз боғимизда
етиштирамиз.

Маҳалладошларим ҳам
фермер аёл, ҳам намунали
оила бекаси сифатида



ҳурмат қилади. Ўзим
яшайдиган “Чекмиразобод”
МФЙда “Оқила аёллар” ҳара-
кати раҳбариман. Баъзан ар-
зиман келишмовчиликлар
туфайли ажрим ёқасига ке-
либ қолган оилаларни яраш-
тиришга бош-кош бўлам.

Инсоннинг қўли ва кўнгли
очик бўлса, ишлари ҳам
юришади. Мамлакатимиз-
даги ҳаётбахш ислохотлар
туфайли кейинги йилларда
хўжалиғимизни янада гул-
лаб-яшнатадиган бир неча
замонавий техникалар со-
тиб олдик. Ҳозир моддий-
техника базамиз анча яхши-
ланди. Энди чорвачилик
тармоғини жадал ривож-
лантиришга ҳаракат қиляп-
миз. Фермер хўжалиғимиз-
да қўплаг хотин-қизлар иш-
лайди. Бугун жамиятимиз-
да аёлларга кўрсатилаётган
эқтирор ва эътибор мени
янада ғайрат билан ишлаш-
га, янги гоғларни татиқ
этишга ундамоқда.

Муаллимлик — энг буюк мақом

Хуршида АБДУЛҲАЕВА,
Тўрақўрғон туманидаги 58-мактаб ўқитувчиси:



Бундан олти йил аввал,
унинг қўлига олмадан олти
йил тўлган чоғда эскирган
иморатларнинг бир қисми
таъмирдан чиқарилиди. Таъ-
лим сифати кўтарилди. Бу
олий ўқув юртига ўқишга
қараётган битирувчилар
сонини ортаёғинда кўрина-
ди. Жорий йилда йигирма-
га яқин талабаларча эриш-
ган натижада юртимиз-
нинг нуфузли олийгоҳлари-
га кирганлар ҳам бор.

Бугун катта ҳаёт остана-
сида турибман, зиммамга
олган вазифа ҳам енгил
эмас. Албатта, бундай пал-
лада кечагина мутахассис-
лик дипломини олган хар
бир ёшнинг кўнглидан минг
бир ўй кечиб табиий. Зеро,
ўқитувчининг юмуши фақат
билим беришининг ўзига
эмас, балки ўлиб келаётган
авлоднинг қалбига Ватан
туйғуси, она юртга меҳр-му-
хаббат уруғларини экиш, ин-
сонпарвар, маърифатли ин-
сон қилиб тарбияладир.

Айни жиҳатдан олганда
ўзимга бўлган ишончим олға
етадими. Бойси ёнимда
суяч тоғларим — меҳрибон
устозларим турибди.

Энди шифо истаб хорижга бориш шарт эмас

Абдулазиз МУСТАҒОҚУЛОВ,
Ширин шаҳар тиббиёт бирлашмаси
хирургия бўлими хирург-шифокори:

— 2014 йилда тиббиёт олий
ўқув юрти талабаси пайти-
мда отам юрак хасталиғи билан олам-
дан ўтди. Буни бежиз эсламай-
ди: ўша пайтларда отамнинг дарди-
га хорижда даво борлигини би-
лардим. Аммо ўша узоқ-узоқлар-
даги шифохоналарга бориш-ке-
лиш, тиббий хизмат ҳаққи учун

анча-мунча
пул керак
бўлар, бун-
дай катта ха-
ражатга ҳамма-
нинг ҳам қурби етмасди. Энди-
ликда кўпчилики кийнаган бу
муаммо тарихда қолди.

Шукри, бугун юртимиз шифо-



корлари фақат падири бузрукво-
римни бу дунёдан олиб кетган
касалик эмас, бошқа ўнлаб таш-
хислар бўйича ҳам мураккаб тех-
нологияли жарроҳлик амалиётла-
рини амалга ошириб, беморлар-
га шифо бахш этмоқда. Хусусан,
Сирдарё вилояти соғлиқни сақ-
лаш бошқармаси маълумотлари-
га кўра, вилоят бўйича юқори
технологик жарроҳлик амалиёт-
лари 2023 йилда 2 300 тани таш-
кил этган бўлса, 2024 йилда

уларнинг сони яна 500 тага ор-
тиб, 2 800 тага етган.

Эътиборлиси, бундай жарроҳ-
лик амалиётлари чекка ҳудудлар-
даги тиббиёт муассасаларида
ҳам бажарилмоқда. Жумладан,
камина фаолият юритаётган Ши-
рин шаҳар тиббиёт бирлашмаси-
да ўндан ортиқ турдаги юқори
технологик жарроҳлик амалиёт-
лари муваффақиятли амалга
оширилаётир.

Яна бир жиҳат, шифохонамиз-

да фақат Ширин шаҳридан эмас,
бошқа ҳудудлардан ва хатто
қўшни давлатлардан келган бе-
морларни ҳам юқори технология-
ли жарроҳлик амалиётлари ор-
қали даволяпмиз. Бугун қўплаг
касаликларга даво топиш учун
вилоят марказига, пойтахтга ёки
хорижга бориш шарт эмас. Ал-
батта, буларнинг ҳаммаси сўнгги
йилларда тиббиёт соҳасида
амалга оширилган кенг қўламли
ислохотлар самарасидир.

«Менга нажот фариштасидек қарашади»

Нисо ТУРДИЕВА,
Самарқанд вилояти болалар
кўп тармоқли тиббиёт маркази
бўлим мудири:

— Кардиохирургман, Россия Феде-
рациясининг Москва шаҳридаги Баку-
лев номидаги кардиология тиббиёт
марказида қарийб ўн йил фаолият
юртдим. 2019 йилдан буён Самар-
қанддаман. Ҳозирда вилоят болалар кўп
тармоқли тиббиёт марказида болалар
кардиохирургияси бўлими мудири
бўлиб фаолият кўрсатыпман. Бемор-
лар ва уларнинг яқинлари доим менга
нажот фариштасидек қарашади.

Кардиохирургия марказида ишла-

ганимда Ўзбекистондан
келган беморларни кўп
кўрадим. Бемор бола-
ларнинг аҳоли оғир,
моддий шароити ҳаминка-
дар эди. Уларни ўзимизда
операция қилса бўлади-ку,
деб ўйлардим. Юртга қайтишимнинг
асосий сабаби ҳам шу бўлган. Хо-
рижда катта маош олардим, юртга
қайтаётганимда ҳамкасбларим хайрон
қолган. Ҳозир бундан ҳеч ҳам афсус-
ланмайман. Чунки ўз Ватанимда тиб-
биёт ривожига оз бўлса-да, ҳисса
қўшяпман. Юртимизда ҳам тиббиёт ри-
вожланаётган кунлар келди. Биргина




Самарқанд вилояти болалар
кўп тармоқли тиббиёт мар-
казининг ўзида йилга мингдан
зиёд замонавий кардиожар-
роҳлик амалиётлари бажарил-
моқда. Натижада юрғида нуқ-
сонли бор беморлар бизнинг жа-
моамиз кўмаги билан соғлом ҳаётга
қайтаяпти. Бундан гурулланамиз.

Соҳа ривожини йўлида қилаётган
камтарона меҳнатим ҳам қадр
топмоқда. 2021 йилда Президентимиз
томонидан II даражали “Саломатлик”
ордени билан тақдирландим. Муко-
фот — масъулият, дегани. Шунга
лойиқ бўлишга ҳаракат қиламан.

Дунёга тинчлик керак

Фарида АКБАРОВА,
Ўзбекистон қасба-йўшмалари Федерацияси
тасарруфидаги «Бўстон санаторийси»
масъулияти чекланган жамияти
директори, халқ депутатлари Тошкент
вилояти Кенгаши депутати:

— Президентимиз таб-
риғида “Инсон қадри учун,
инсон бахти учун” деган
эзгу тамойилга асослан-
ган Янги Ўзбекистон
ғояси амалда қудратли
қарарга айланди. Президенти-
миз бежиз таъкидлагани йўқ.
Шавкат Мирзиёев раҳна-
молигида олиб борилаёт-
ган инсонни қадрлашга
қаратилган ислохотлар
нафақат юртимизда, бал-
ки дунёнинг бир қанча



нуқталарида
ҳам юраклар-
га ҳаётдан ро-
зилик, мин-
натдорлик олиб
қараётганини
ҳаяжонсиз гапирмай
бўлмайди.

Биргина санаторийми-
зда қанчадан-қанча беором
қалбларга таскин берил-
ди. Минглаб одамлар
уруш оловлари ичидан
оромгоҳимизга олиб ке-

линиб, уларга инсонпар-
варлик ва бағрикенглик
кўрсатилди. Кейинги йил-
ларда бир неча бор
амалга оширилган
“Меҳр” ёрдамла-
рини эслайлик.
Кўрсатилган ғам-
хўрлик учун юзлаб
инсонлар миннат-
дорлик билан дуо
қилмоқда. Улар
бошларида бомба
портлаб, қўлоқлари олди-
дан ўқ визиллаб ўтиб
турган вазиятдан тинч ва
осуда ҳаётга қайтиди.

Фаластинлик оналар ва
болаларга кўрсатилаётган
саховат ҳамда ғамхўрлик-
ни бутун дунё тан олиб ту-

рибди. Улар ҳам табассум
қилишга ҳақли. Мана,
тўққиз ойдириқ, ҳаловатда
ҳаёт кечирмоқда. Ватани-
мизда уларга барча ша-
роит яратиб берилмоқда.
Бу тинчликсевар Ўзбе-
кистоннинг бутун жаҳонга
қарата “Дунёга тинчлик
керак!” дея айтган даъва-
тидир.

Бир майизни қирқ бўлиб
еган халқимиз. Бағрикенг-
лик, инсонпарварлик қон-
қонимизга сингиб кетган.
“Бўстон” санаторийсида бу
қадриятлар миллилатимиз
шаъни каби ёзоз топиши,
бунга ҳеч қим беварқ
бўлмаслиғига ҳаракат
қиламиз.

Янги ҳаёт нафаси

Акмалжон ҚУЧҚОРОВ,
Тўртқўл тумани ҳокимининг
Марказобод
маҳалласидаги ёрдамчиси:

— Бугун мамлакатимизда
камбағиллиқни қисқартириш,
одамлар турмуш даражасини
ошириш умумийлиги ҳаракат-
га айланди. Президентимиз та-
шаббуси билан амалиётга жа-
дал татиқ этилаётган “Камба-
ғалликдан фаровонлик сари”
дастури энг олисдаги овуллар-
гача кириб бориб, хар бир ма-
ҳалла, камбағалликдан тушкун-
ликка тушган оилаларга янги



ҳаёт нафаси-
ни олиб
қирмоқда.
Ҳоким
ёрдамчиси
си фатида
“маҳалла ет-
тилиги” вакил-
лари, фаоллар, зиёлилар,
нуронийлар билан бирга жами-
ят ҳаёти, мамлакат тақдирига
дахлдор жараёнларда бевоси-
та иштирок этиб келмоқда-

ман. Ишсизлар сонини ка-
лайтириш борасидаги ишла-
римиз натижасида жорий йил-
да маҳалладаги 51 нафар
ишсиз фуқаронинг бандлиги
таъминланди.

“Лойиҳа менежери” сифати-
да Навоий вилоятининг Кони-
мех туманидаги “Юксалиш” ва
“Наврўз”, Хатирчи туманидаги
“Оқ олтин”, “Кўксарой” овул
фуқаролар йигинларига масъ-
ул қилинганман. Бу ҳудудлар-

да ҳам “маҳалла еттилиги” би-
лан ҳамкорликда аҳоли банд-
лигини таъминлаш, оилалар-
ни камбағалликдан чиқариш
бўйича манзилли чора-тад-
бирларни белгилаб олди.
Мазкур лойиҳалар асосида
146 та оила қамраб олиниб,
уларнинг 292 нафар аъзоси
бандлигини таъминлаш имко-
нияти яратилди.

Бугунги кунда иссиқхонада
лимон ва бошқа цитрус ме-

валар, помидор, бодринг,
кўкатлар етиштириш йўна-
лишларида ҳам маҳаллалар-
даги аҳолининг бандлигини
таъминлашга қаратилган кенг
қўламли ишлар изчил давом
этноқда. Эътиборлиси, икки-
та лавозимда ҳам битта мақ-
сад сари — аҳолининг турмуш
фаровонлигини ошириш,
уларнинг бандлигини таъмин-
лаш орқали ҳудудларда кам-
бағаллиқни қисқартиришга
куч-ғайратимизни сафарбар
этноқдамиз.

«Халқ сўзи».

Халқ сўзи

Народное слово

МУАССИСЛАР:
Ўзбекистон Республикаси
Олий Мажлиси Қонунчилик палатаси Кенгаши,
Ўзбекистон Республикаси
Олий Мажлиси Сенати Кенгаши

Бош муҳаррир Ўткир РАҲМАТОВ

2020 йил 25 мартда Ўзбекистон Республикаси Президенти Администрацияси ҳузуридаги
Ахборот ва оммавий коммуникациялар агентлигида 0001-рақам билан
рўйхатга олинган. Нашр индекси — 229. Бюртма Г — 942. 10 554 нусхада босилди,
ҳажми — 2 табоқ. Офсет усулида босилган. Қоғоз бичими А—2. Баҳоси келишилган нархда.

Телефонлар:
Девонхона 71-259-74-51; котибият 71-259-74-53;
эълонлар 71-259-74-87.



Таҳриратта келган кўлемлар тақрир қилинмайди ва
муаллифга қайтарилмайди.
Газетанинг сўзасиб берилиши учун обунани
расмийлаштирган таъкилот жавобгар.
Газета таҳририят компьютер марказида терилди ҳамда оператор
М. Бегмуртов томонидан саҳифаланди.
Газетанинг полиграфик жиҳатдан сифатли чоп этилишига
“Шарқ” нашриёт-матбаа акциядорлик компанияси масъул.
Босмахона телефони: 71-233-11-07.

• МАНЗИЛИМИЗ:
100066,
Тошкент шаҳри,
Ислом Каримов кўчаси, 55-уй.
Навбатчи муҳаррир — Н. Остонов.
Мусахҳиҳ — Ш. Машраббоев.

“Шарқ” нашриёт-матбаа акциядорлик компанияси босмахонаси. Корхона манзили:
Буюк Турон кўчаси, 41. ЎЗА якуни — 23.27 Топширилди — 01.40 1 2 3 4 5 6